



In dumënia ai 30 de Otober él gnü sughé la nona partida dl campionat 2011/2012 de 3° categoria por La Val. La partida é gnüda sugada fora de ciása cuntra la squadra nòia in chësc ann da Olang. Squadra che La Val á bele incuntè le prüm turno de Copa y ulache ai é spo ince passá inant. Dô le bel secundo tēmp dl ultima partida urô La Val proseguí insciö, por portè a ciása chisc punti tles ultimes partides dl andata.

Ince te chësta partida á La Val mustrè en buniscimo secundo tēmp y en prüm tēmp nia massa bun, suradüt dal mèter man dla partida.

Bel dô da püc menüc é Olang che se porta in vantaje. Sön na posiziun te campo sbagliada de en defensur da La Val, se infilëia ite en atcant dl Olang sön en bel passaggio filtrante. Al rōia cuntra Sepl y spo tìrel en bel "piatto" dlungia le palo ite. Na docia frëida por La Val. I jogn sogadusc dl Olang mostra na gran condiziun fisica y en gran pressing. Mo al é ince da capí che ai ne é nia bugn da tigní massâ dî en te ritmo. Porchël La Val ciara da defëne da mèter man y spo atachè sön contropiedi, udon ince che al é rî da combiné, por via dl gran pressing. Insciö nascel ince le 1 a 1 a mesa le prüm tēmp. Frenes Micky ciafa la pala, spo el bun da nun dribbeln un y cun na gran fredëza fejel en bel tiro bas angolé, che rōia bel avisa sön le palo lunch. Le portier ne á degüna chance da parè. Püch dedô ti garetel indô a Daniel en beliscimo gol. Sön en en pal che resta fora dl area, rōia Daniel la sura, cun en gran tiro al volo mētl le pal sön le prüm palo dlungia ite. Le portier po ma plü ti ciarè dô al pal. En gran y bel gol de Daniel che porta insicö La Val in vantaje.

Ala fin dl prüm tēmp vëigun bel plan che Olang lascia dô le pressing y ne é nia plü tan lucidi. Insciö é La Val che tol spo la partida tles mans, mo de gran ocajiuns ne nascel impó nia. Le prüm tēmp se stlüsç jö sön le 1 a 2 por La Val. Spo tl secundo tēmp vëigun indô na squadra da

La Val che mostra sciöche ai é bugn da sughé. Cun de beles aziuns é La Val plü iadi prigorusc. Le 1 a 3 é indô Micky che fesc. Sön en bel lancio de Marco jö por la fascia é Daniel che röia cuntra le portier, mo in chësc iade impede trá te porta passel ite a mez, ulache al é Micky bel da sú, insciö mëssel ma plü tra cun en bel piatto te porta. Na bela dopietta de Micky.

Le 1 a 4 é spo Florian che fesc, sön en gran passaggio filtrante de Franzi a mesa düta la difesa fora se porta Florian cuntra le portier. Cun en bel tiro piazzè él spo bun da bater le portier. Püch dedô al ciamó na gran oportunité Florian. Al röia indô cuntra le portier en pü defilé. Chësc iade proel de potënza, mo la pala va sura porta fora. Ivan Tschaffert á ince na buna chance por fa gol. Al é bun cun en per de dribblings da salté deplü defensurs, mo al mumënt dl tiro röiel en pü sbilancé sön la pala y spo röia le tiro sura porta fora.

Romeo Rubatscher stlüsc spo jö la paritda 10 menüc dan la fin. Sön en bel cross de Franzi sön le palo lunch é Romeo che se cordinëia bel y cun en bel colp de testa fejel gol. Le pal scavalchëie le portier (sciöche cun en palonetto) che röia bel avisa dlungia le secundo palo jö en bel gol che stlüsc jö la paritda sön le 1 a 5 por La Val.

Cun chisc trëi puné davagná se porta La Val al 4° post te tlassifica y insciö se deura indô sö le campionat.

La formaziun titolara: Kantioler Sepl, Castlunger Marco, Alton Alex, Tavella Jordan, Valentin Elmar, Frenes Daniel, Sottara Stefan, Rubatscher Romeo, Tschaffert Ivan, Frenes Micky y

Rubatscher Florian.

Sostituziuns:

Verginer Franzi por Frenes Micky

Nagler Max por Sottara Stefan

Por udëi i atri resultač drüca (ince di atri campionač ulache sogadusc da La Val süga para) drüca: [resultač](#)